



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

INFORMACIJA O STANJU ORGANIZOVANOSTI ZAŠTITE I SPAŠAVANJA NA PODRUČJU OPĆINE TEŠANJ ZA 2013. GODINU

UVOD

U skladu sa utvrđenim i donesenim Programom rada općinskog vijeća Tešanj za 2014. godinu, Općinsko vijeće jednom godišnje razmatra Informaciju o stanju organizovanosti zaštite i spašavanja ljudi i materijalnih dobara od prirodnih i drugih nesreća. Informacija ima za cilj da prikaže postojeće stanje organizovanosti snaga civilne zaštite i ukaže na aktivnosti koje je potrebno poduzimati na daljnjem organizovanju, razvoju i jačanju civilne zaštite na području općine Tešanj, u čemu značajno mjesto u provođenju politike, ciljeva i zadataka imaju Općinsko vijeće, Općinski načelnik, općinske službe, a posebno Općinska služba civilne zaštite.

Značaj Informacije je i u tome, što oslikava aktivnosti na organizovanju snaga civilne zaštite, kroz provođenje planiranih mjera i aktivnosti, kroz programiranje i planiranje u oblasti civilne zaštite, tj. kroz Program razvoja i Plana zaštite i spašavanja od prirodnih i drugih nesreća. Ovim dokumentima vrši se konkretna implementacija svih pitanja koja su regulisana Zakonom o zaštiti i spašavanju ljudi i materijalnih dobara od prirodnih i drugih nesreća („*Službene novine Federacije BiH*“, br.39/03, 22/06 i 43/10) i Zakonom o zaštiti od požara i vatrogastvu („*Službene novine Zeničko-dobojskog kantona*“, br.5/11), a odnose se na sistem zaštite i spašavanja na općini. Ovdje se mora napomenuti da općina, kao jedinica lokalne samouprave ima centralno mjesto i ulogu u sistemu zaštite i spašavanja, iz razloga što se na području općine odvija ukupan život i rad ljudi i što su tu smještene sva materijalna i druga dobra.

Kako Informacija ima za cilj oslikavanje stanja organizovanosti zaštite i spašavanja, važno je znati da elemente njene strukture predstavljaju, osnovne snage u oblasti zaštite i spašavanja i druge snage (pravna lica, organi vlasti i druge institucije i građani). Članom 40. Zakona o zaštiti i spašavanju, utvrđeni su elementi organizacije civilne zaštite koja obuhvataju:

- a) ličnu i uzajamnu zaštitu građana,
- b) mjere zaštite i spašavanja,
- c) štabove civilne zaštite,
- d) službe zaštite i spašavanja,
- e) jedinice civilne zaštite,
- f) povjerenike civilne zaštite,
- g) rukovođenje i upotreba snaga i sredstava civilne zaštite.

U tu cjelokupnu organizaciju civilne zaštite, spada i stručni organ koji se u cjelini bavi poslovima civilne zaštite, a to je Općinska služba civilne zaštite. Njen položaj, ovlaštenja i odgovornost utvrđena je članom 29. i 31. Zakona o zaštiti i spašavanju ljudi i materijalnih dobara („*Službene novine Federacije BiH*“, br.39/03,22/06 i 43/10) i članom 17. Zakona o zaštiti od požara i vatrogastvu („*Službene novine Federacije BiH*“, br.64/09).

1. STANJE PRIPREMA ZA ZAŠTITU I SPAŠAVANJE

1.1. Organizovanost civilne zaštite

a) lična i uzajamna zaštita građana:

Lična i uzajamna zaštita predstavlja jedan od elemenata civilne zaštite i namjenjena je za ličnu zaštitu građana, koju ostvaruju sami građani. Ona se sastoji u tome, što je svaki građanin dužan prvenstveno preduzimati one mjere i aktivnosti da zaštiti i spasi sebe, svoje članove porodice i svoju imovinu, a ako bude u prilici i drugima da pruži neposrednu pomoć kojima je ta pomoć potrebna. Ovaj oblik zaštite trebao bi da se sprovodi u svim mjestima i sredinama u kojima građani žive i rade.

Obuka građana za ličnu i uzajamnu zaštitu, realizuje se i od strane organa za civilnu zaštitu. Ona se u pravilu ostvaruje u skladu sa članom 164. i 165. Zakona o zaštiti i spašavanju, a prema utvrđenom Nastavnom planu i programu obučavanja i osposobljavanja struktura sistema zaštite i spašavanja. Značaj ove vrste obuke je poseban, prvenstveno što građani u uslovima kada su ugroženi ljudski životi i materijalna dobra ne smiju biti pasivni promatrači događaja, već aktivni učesnici u zaštiti i spašavanju. Ista se u protekloj godini, realizovala u dijelu provođenja mjere zaštite i spašavanja od požara i drugih mjera i to sa:

- učenicima i nastavnicima osnovnih i srednjih škola,
- edukacija građana putem pisanih edukativnih brošura „Jeste li pripremljeni za požar“, „Kako spriječiti požar dimnjaka“ i „Jeste li pripremljeni za poplave“.
- distribucija edukativnih plakata za učenike osnovnih škola, kako postupati u slučaju požara i zemljotresa u školi;
- edukativna predavanja sa predsjednicima savjeta MZ u općini Tešanj, o značaju i zadacima CZ kao i ulozi organa MZ u provođenju aktivnosti i mjera zaštite i spašavanja.
- obavještanje putem medija o provođenju preventivnih mjera zaštite od požara i zaštiti od neeksplozivnih ubojnih sredstava (NUS),
- kroz manifestaciju „OKROBAR MJESEK- MJESEK ZAŠTITE OD POŽARA“ uzeto je učešće na radio i televizijskim emisijama o značaju zaštite od požara kao i preduzimanju preventivnih mjera.

U ostvarivanju navedene zaštite, značajno mjesto imale su i aktivnosti udruženja i organizacija poput crvenog križa, dobrovoljnih vatrogasnih društava, gdje se putem istih provodi obuka školske i vanškolske omladine u pružanju prve medicinske pomoći, obuka, spoznaja i svijesnost postojanja mina i sl.. Podršku u realizaciji ovih programa, ova udruženja imala su u organima i službi civilne zaštite.

Jedan od prioritetnih zadataka općinskih službi civilne zaštite u narednom periodu je osposobljavanje povjerenika i pripadnika službi zaštite i spašavanja civilne zaštite.

b) mjere zaštite i spašavanja:

Mjere zaštite i spašavanja su organizovane radnje i postupci preventivne i operativne prirode, koje pripremaju i provode organi vlasti i sva pravna lica (nosioci zaštite i spašavanja) u skladu sa članom 42. Zakona o zaštiti i spašavanju. Nosioci zaštite i spašavanja u toj oblasti, treba da planiraju i pripremaju:

1. Mjere i postupke od značaja za provođenje preventivne zaštite kao osnovnog vida sprečavanja nastajanja prirodne ili druge nesreće ili ublažavanja njenog djelovanja,
2. Mjere i postupke zaštite i spašavanja u slučaju postojanja neposredne opasnosti od nastajanja prirodnih i drugih nesreća,
3. Mjere i postupke zaštite i spašavanja tokom trajanja prirodnih i drugih nesreća i
4. Mjere i postupke za ublažavanje i otklanjanje posljedica od prirodnih i drugih nesreća.

Na području općine Tešanj razvijaju se slijedeće mjere zaštite i spašavanja:

- sklanjanje ljudi i materijalnih dobara,
- evakuacija,
- zbrinjavanje ugroženih i nastradalih,
- zamračivanje,
- zaštita i spašavanje od radiološko-hemijsko-bioloških sredstava,
- zaštita i spašavanje od rušenja,

- zaštita i spašavanje na vodi i pod vodom,
- zaštita i spašavanje od požara,
- zaštita i spašavanje od NUS-a,
- prva medicinska pomoć,
- zaštita i spašavanje životinja i namirnica životinjskog porijekla,
- asanacija terena,
- zaštita okoliša,
- zaštita bilja i biljnih proizvoda.

Obzirom na važnost stanja u tim segmentima zaštite i spašavanja, a tako unapređujući ukupni nivo iste izrađena je i Informacija o deminiranju minskih polja i uklanjanju NUS-a na području općine Tešanj koja je delegirana i usvojena od strane Općinskog vijeća.

Značajno je istaći da pored ove Informacije, a u okviru redovnih poslova u protekloj godini, za razne subjekte i obveznike iz oblasti zaštite i spašavanja, rađene su i dostavljane informacije, upute, smjernice i potrebni podaci.

Tako je putem škola, javnih ustanova, mjesnih zajednica i drugih subjekata dostavljene građanima sljedeće informativne brošure:

- „Naljepnice sa hitnim telefonskim brojevima“,
- Ukupan broj odštampanih naljepnica je 3.800 komada.

Sve one su doprinijele većoj afirmaciji sistema zaštite i spašavanja općine Tešanj.

Od strateških dokumenata, koji su vezani za provođenje navedenih mjera zaštite i spašavanja na području općine, u 2013. godini doneseni su:

- **Procjena ugroženosti općine Tešanj od požara,**
- **Plan zaštite od požara općine Tešanj,**
- **Odluka o formiranju i organizovanju jedinica civilne zaštite opće namjene općine Tešanj.**

Kod navedenih organizacijskih dokumenata u 2013. godini izvršene su izmjene i dopune:

- **Odluke o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj,**
- **Odluka o organizovanju službi zaštite i spašavanja na području općine Tešanj.**

Van snage je stavljena **Odluka o formiranju i organizovanju specijalizovanih jedinica civilne zaštite općine Tešanj**, obzirom da je specijalizovana jedinica zaštite od požara općine Tešanj ukinuta, a formirana Služba za zaštitu od požara, te je ukinuta i specijalizovana jedinica za RHB zaštitu, obzirom da je na nivou kantona formirana Služba za RHB zaštitu za cijelo područje kantona.

Postojeći nivo razvoja sistema zaštite i spašavanja u općini teži ka svom napredovanju, tj. Služba civilne zaštite i Općinski štab civilne zaštite intenzivno rade da se ovaj kompleksan sistem unaprijedi kroz opremanje prioritnim materijalnim sredstvima i potpunom neophodnih struktura za adekvatno provođenje mjera zaštite i spašavanja.

Također, Zakon o zaštiti i spašavanju jasno je utvrdio obaveze i druge nosioce zaštite i spašavanja (pravna lica i građane) u oblasti zaštite i spašavanja u okviru provođenja mjera iz svoje nadležnosti.

2. STANJE SNAGA I ORGANIZACIJE CIVILNE ZAŠTITE

a) Štab civilne zaštite:

Za rukovođenje akcijama zaštite i spašavanja na području općine, u skladu sa članom 106. Zakona o zaštiti i spašavanju, osnivaju se štabovi civilne zaštite. Štab civilne zaštite je operativno stručni organ civilne zaštite koji rukovodi upotrebom organizovanih snaga i sredstava civilne zaštite i odlučuju o provođenju mjera zaštite i spašavanja na ugroženom području u cilju zaštite i spašavanja ljudi i materijalnih dobara. Štab se angažuje onda kada nadležni organ vlasti (Općinski načelnik) proglasi nastanak neke prirodne ili druge nesreće, ili ako ista prijete području općine, pa do momenta kada nadležni organ vlasti proglasi da je prestalo stanje prirodne ili druge nesreće.

Rješenjem Općinskog načelnika formiran je Općinski štab civilne zaštite u skladu sa Uredbom o formiranju štabova civilne zaštite i Pravilnikom o načinu rada i funkcioniranja štabova i povjerenika civilne

zaštite. Ovdje moramo napomenuti da je većina članova Općinskog štaba CZ prošao obuku u organizaciji Federalne i Kantonalne uprave civilne zaštite.

Organizovanost i popunjenost općinskog štaba civilne zaštite

Tabela br.1

r/b	OPĆINA	POPUNJENOST				STAROSNA STRUKTURA				POL		STRUČNA SPREMA			PRIMJEDBA
		OSCZ	FORMACIJA	POPUNJENO	NIJE POPUNJENO	Do 35	35-45	45-60	preko 60	Muški	Ženski	VSS	VŠ	SSS	
1.	Tešanj	1	11	13	-	1	2	7	3	11	2	10	1	2	Realizovana obuka u 2010.
UKUPNO		1	11	13	-	1	2	7	3	11	2	10	1	2	

Popuna Štaba materijalno-tehničkim sredstvima prema ličnim i materijalnim formacijama struktura civilne zaštite općine Tešanj nije izvršena u cjelini i predstavlja kontinuiranu aktivnost.

Odlukom o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj osnovano je osam štabova mjesnog područja i to Tešanj, Tešanjka, Jelah, Šije, Karadaglije, Miljanovci-Lončari, Kalošević i Raduša kojim gravitiraju određene mjesne zajednice. Štab mjesnog područja čini pet pripadnika, i u njemu su zastupljene sve mjesne zajednice koje gravitiraju tom štabu.

Tabela br.2

Naziv	Po formaciji	Popunjen	Nije Popunjen
Štab mjesnog područja Tešanj	5	5	0
Štab mjesnog područja Tešanjka	5	5	0
Štab mjesnog područja Jelah	5	5	0
Štab mjesnog područja Šije	5	5	0
Štab mjesnog područja Karadaglije	5	5	0
Štab mjesnog područja Miljanovci-Lončari	5	4	1
Štab mjesnog područja Kalošević	5	2	3
Štab mjesnog područja Raduša	5	5	0
UKUPNO	40	36	4

Popuna štabova mjesnog područja

Za dalje aktivnosti neophodno je da Općinski štab CZ analizira neophodnost organizovanosti štabova mjenih područja, obzirom na funkciju povjerenika u MZ.

b) Službe zaštite i spašavanja

Službe zaštite i spašavanja predstavljaju poseban organizacioni oblik civilne zaštite i organizuju se na nivou općina i kantona, član 122. do 126. Zakona o zaštiti i spašavanju. Kroz sistem zaštite i spašavanja općine Tešanj, a u skladu sa Uredbom o organizovanju službi zaštite i spašavanja, organizovana je:

1. Služba prve medicinske pomoći,
2. Služba za zaštitu i spašavanje životinja,
3. Služba za spašavanje sa visina i iz ruševina i
4. Služba za asanaciju, čistoću i vodosnabdjevanje i
5. Služba za zaštitu od požara.

Njihovim formiranjem realizovan je dio Programa razvoja zaštite i spašavanja. Pojedinačnim sporazumima regulisane su međusobna prava i obaveze između općine Tešanj i pravnih lica i udruženja

građana u pogledu donošenja njihovih Pravilnika o unutrašnjem organizovanju, izradi dokumenata /procedura/ o aktiviranju i angažovanju ovih snaga i MTS, a pojedinačnim ugovorima regulisane obaveza prema licima /spasiocima/ za slučaj njihovog angažovanja. Ovim su stvoreni uslovi za njihovo opremanje i osposobljavanje za moguće učešće u akcijama zaštite i spašavanja na području općine i šire.

Službe zaštite i spašavanja namjenjene su za vršenje poslova koji su u neposrednoj funkciji zaštite i spašavanja ljudi i materijalnih dobara od određenih vrsta prirodnih i drugih nesreća na području općine, a koje obavljaju i kroz svoje redovne djelatnosti. Određene su u skladu sa Procjenom ugroženosti, Programom razvoja zaštite i spašavanja i Planom zaštite i spašavanja općine.

One postupaju u skladu sa naredbama Općinskog štaba civilne zaštite koji rukovodi akcijama zaštite i spasavanja i to od momenta kada se primjeti opasnost ili pojava koja može dovesti do nastanka prirodne i druge nesreće ili od momenta kada Općinski načelnik proglasi stanje prirodne ili druge nesreće.

Sve službe (tabela br.3), organizovane su na način kako je to propisano članom 122. i 123. Zakona o zaštiti i spašavanju, i imaju usklađenu ličnu i materijalnu formaciju propisanu Pravilnikom o organizovanju službi zaštite i spašavanja i Okvirnim ličnim i materijalnim formacijama. Inače finansiranje priprema, opremanje i obuke službi zaštite i spašavanja predviđene su iz redovnih i posebnih (namjenskih) sredstava koja se izdvajaju isključivo za zaštitu i spašavanje, a koja se koriste prema posebnim finansijskim planovima.

Organizovanost i popunjenost službi zaštite i spašavanja

Tabela br.3

OPĆINA	Naziv službe	Formacija		Popunjenost			Starosna struktura				Pol		Stručna sprema			
		Vod	Odjeljenje	Po formaciji	popunjeno	Nedostaje	Do 35	35-45	45-60	Od 60	Muški	Ženski	VSS	VŠ	SSS	NSS
Tešanj	Služba zaštite i spašavanja iz ruševina	-	1	10	10	0	5	3	2	0	8	2	0	1	7	2
	Služba medicinske pomoći	1	-	30	30	0	3	6	15	6	15	15	8	1	20	1
	Služba za zaštitu životinja	-	1	16	7	9	3	4	0	0	7	0	3	0	4	0
	Službaza asanaciju, vodosnabdjevanje i čistoću	1	-	41	41	0	7	23	11	0	40	1	4	0	21	16
	Služba za zaštitu od požara		2	20	19	1	5	12	2	0	19	0	0	0	19	0
	UKUPNO:	2	4	117	107	10	23	48	30	6	89	18	15	2	71	19

c) Jedinice civilne zaštite:

Na osnovu članova 127. i 128. Zakona o zaštiti i spašavanju formiraju se, jedinice opće i specijalizovane namjene civilne zaštite. Vrste, veličina i broj ovih jedinica, utvrđuje se na osnovu procjene ugroženosti po ljude i materijalna dobra koje mogu nastati od prirodnih i drugih nesreća, kao i ljudskih, materijalnih i drugih mogućnosti kojima raspolažu općine. Izmjena i dopunama Odluke o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj iz 2013. godine, ukinute su dvije ranije formirane specijalizovane jedinice civilne zaštite.

Organizovanost i popunjenost jedinice opće namjene civilne zaštite

Tabela br.4

OPĆINA	Naziv jedinice	Formacija		Popunjenost			Starosna struktura				Pol		Stručna Sprema			
		Vod	Odjeljenje	Po formaciji	popunjeno	Nedostaje	Do 35	35-45	45-60	Od 60	Muški	Ženski	VSS	VŠ	SSS	NSS
Tešanj	Opće namjene	1	0	32	17	15	4	5	8	0	17	0	0	0	0	0
	UKUPNO:	1	0	32	17	15	4	5	8	0	17	0	0	0	0	0

Povjerenici civilne zaštite:

Povjerenik civilne zaštite je organ rukovođenja oličan u jednoj osobi i ovlašten da rukovodi aktivnostima zaštite i spašavanja u pogledu preduzimanja lične i uzajamne zaštite i provođenja mjera zaštite i spašavanja u dijelu naselja, stambenim zgradama i drugim sredinama u kojima se ne osniva štab civilne zaštite. Članom 118. Zakona o zaštiti i spašavanju, određeni su kriteriji za određivanje broja povjerenika i ko vrši njihovo postavljenje i razrješenje.

Učešće tih organa u sistemu zaštite i spašavanja je neophodno, pod uvjetom da su ovlašteni za taj rad. Izdavanjem rješenja o postavljenju povjerenika, proizilaze i međusobne obaveze između organa koji vrši postavljenje i lica koje se imenuje povjerenikom civilne zaštite, član 49. i 62. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, br. 77/06 i 5/07).

PREGLED BROJA POVJERENIKA CIVILNE ZAŠTITE

Tabela br.5

Naziv MZ	Po formaciji	Popunjeno povjerenika
Tešanj	5	5
Jelah	5	5
Tešanjka	5	5
Karadaglije	5	5
Jablanica	5	5
Dobropolje-Mekiš	5	5
Šije	5	5
Trepče	5	5
Kraševo	5	5
Medakovo	5	5
Novo Selo	5	5
Bukva	5	5
Ljetinić	5	5
Vukovo	5	5
Rosulje	5	5
Raduša	5	5
Džemilić Planje	5	5
Jevadžije	5	5
Orašje Planje	5	5
Mrkotić	5	5
Kalošević	5	5
Bobare-Drinčići-Blaževci	5	5
Miljanovci-Lončari	5	3
Miljanovci Novi	5	5
Piljužići	5	5
UKUPNO	125	123

Popouna MZ povjerenicima

U završnoj fazi je uručenje rješenja i pripreme za obučavanje povjerenika.

Ukupno je uručeno 99 rješenja, a za preostalih 26 je aktivnost u toku. Tri povjerenika su zatražila zamjenu.

REKAPITULACIJA POPUNJENOSTI ORGANIZOVANIH STRUKTURA

STRUKTURA	PO FORMACIJI	POPUNJENO	NEPOPUNJENO
Općinski štab civilne zaštite	13	13	0
Štab mjesnog područja	40	36	4
Službe zaštite i spašavanja	117	107	10
Jedinice civilne zaštite	32	17	15
Povjerenici	125	123	2
UKUPNO	327	296	31

d) Rukovođenje i upotreba snaga i sredstava civilne zaštite:

Odredbama članova 134. do 142. Zakona o zaštiti i spašavanju regulisana su dva pitanja:

- Pitanje rukovođenja akcijama zaštite i spašavanja (član 134. do 136.) i
- Pitanje upotrebe snaga i sredstava civilne zaštite na zaštiti i spašavanju ugroženih ljudi i materijalnih dobara (član 137. i 142.),

Općina, jedinica lokalne samouprave određuje ciljeve, politiku, programe, planove i utvrđuje normativni okvir ispoljavanja djelatnosti zaštite i spašavanja. Izvršioc akata upravljanja je Općinska služba civilne zaštite. Stručno-operativno rukovođenje u sistemu zaštite i spašavanja obavljaju štabovi civilne zaštite koji preuzimaju ključnu ulogu rukovodećeg organa, na području za koje su formirani u uslovima proglašenja prirodne i druge nesreće. Inače funkcija rukovođenja kao upravna djelatnost realizuje se kroz: planiranje, usmjeravanje, kontrolu i ocjenjivanje.

Plan zaštite i spašavanja predstavlja operacionalizaciju svih pitanja, ciljeva, zadataka, mjera, aktivnosti, postupaka i radnji u toku provođenja zaštite i spašavanja. Program razvoja određuje viziju razvoja, ciljeve razvoja, utvrđuje osnovna načela i opredjeljenja i područja razvoja sistema zaštite i zaštite i spašavanja, a korištenje sredstava za zaštitu i spašavanje vrši se u skladu sa godišnjim planom.

e) Općinska služba civilne zaštite

Prema odredbi člana 28. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH», br.: 39/03, 22/06 i 43/10“), člana 17. Zakona o zaštiti od požara i vatrogastvu („Službene novine ZDK”, br: 5/11) , općinska služba civilne zaštite, koja ima status službe za upravu nadležna je u obavljanju sljedećih poslova:

- a) organizuje, priprema i provodi zaštitu i spašavanje na području Općine;
- b) izrađuje Procjenu ugroženosti za područje Općine;
- c) priprema Program razvoja zaštite i spašavanja od prirodnih i drugih nesreća općine;
- d) predlaže plan zaštite od prirodnih i drugih nesreća općine;
- e) prati stanje priprema za zaštitu i spašavanje i predlaže mjere za unapređenje organiziranja i osposobljavanja civilne zaštite;
- f) organizira, izvodi i prati realizaciju obuke građana na provođenju lične i uzajamne zaštite;
- g) organizuje i koordinira provođenje mjera zaštite i spašavanja, te organizuje i provodi poslove zaštite od požara i vatrogastva, predlaže program samostalnih vježbi i izrađuje elaborat za izvođenje vježbi civilne zaštite u općini;
- h) organizira općinski operativni centar civilne zaštite i obezbjeđuje njegov rad;
- i) vrši popunu ljudstvom štabova civilne zaštite, službi zaštite i spašavanja i jedinica civilne zaštite i određuje povjerenike civilne zaštite, osigurava njihovo opremanje materijalno-tehničkim sredstvima, te organizira, izvodi i prati realizaciju njihove obuke;
- j) priprema propise iz područja zaštite i spašavanja u nadležnosti općine;

k) vodi propisane evidencije i obavlja druge poslove zaštite i spašavanja, u skladu sa zakonom, drugim propisima i općim aktima.

Iz predočenih poslova postojanje ovih organa i službi civilne zaštite je važno i nužno, posebno što su poslovi zaštite i spašavanja raznovrsni, obimni i od posebnog su značaja za općinu. Prvenstveno i iz razloga, što je ovaj sistem vrlo kompleksan, isprepleten mnoštvom propisa, neadekvatne popune ljudstvom i materijalnim sredstvima, a treba djelovati u složenim uvjetima prirodne i druge nesreće, kada su ugroženi ljudi i materijalna dobra na cijelom području općine, pa i šire.

Stanje popunjenosti općinske službe civilne zaštite u 2013. godini:

PO SISTEMATIZACIJI	22
Pomoćnik Općinskog načelnika za CZ	1
Odjeljenje civilne zaštite	3
Odjeljenje zaštite od požara i vatrogastvo-PVJ	18
POPUNJENO	15

Operativni centar civilne zaštite „121“

U skladu sa odredbama člana 149. Zakona o zaštiti i spašavanju, operativni centri civilne zaštite treba da su organizovani u sastavu organa civilne zaštite. Oni su ovlašteni da stalno (24. sata neprekidno, svaki dan u sedmici – Kantonalni i Federalni operativni centar) prikupljaju podatke o svim pojavama i opasnostima sa područja za koje su osnovani. Operativni centar civilne zaštite Općine Tešanj prema Pravilnu o organizovanosti i funkcionisanju operativnih centara radi osam sati dnevno. Obzirom da su funkcionalno spojeni operativni centar civilne zaštite i vatrogasne jedinice, dojave i informacije na telefon „121“ mogu se primati 24 sata dnevno, što ga čini izdvojenog u odnosu na ostale općinske operativne centre u Federaciji. Podatke operativni centar prikuplja od svih subjekata iz oblasti privrede i društvenih djelatnosti i građana, putem jedinstvenog broja „121“. Prikupljeni podaci se obrađuju, klasifikuju i distribuiraju nadležnim organima vlasti, susjednim operativnim centrima i nadređenim operativnim centrima civilne zaštite.

Osnovni cilj uvođenja broja „121“ je koordinacija aktivnosti većeg broja subjekata u spašavanju života ljudi i imovine u slučaju svakodnevnih nesreća. Poseban značaj imaju u slučaju postojanja prirodne i druge nesreće kada vrše prenošenje naredbi i drugih akata rukovođenja i komandovanja štabava civilne zaštite. U perspektivi broj „121“ će se mijenjati u broj „112“ koji se koristi kao broj za hitni poziv u zemljama EU.

U protekloj godini Operativni centar civilne zaštite općine Tešanj je zbog svoje opremljenosti i funkcionalnosti u jednom navratu (jedan vikend) po zahtjevu viših organa civilne zaštite obavljao funkciju Kantonalnog operativnog centra za područje cijelog ZDK kantona.

Jedna od najvažnijih aktivnosti u 2013. godini se odnosila na prelazak sa analognog na digitalni radio frekventni spektar.

OSNOVNA TEHNIČKA OPREMLJENOST I POPUNJENOST OPERATIVNOG CENTRA CIVILNE ZAŠTITE 121

Tabela br.8

R/B	OPĆINA	OPERATIVNI CENTRI 121 - tehnička opremljenost -	Popunjenost ljudstvom	
			Potrebno	Popunjeno
1.	Tešanj	1 KT uređaj, 2 računara, 1 laptop, 1 fax, , 2 VHF centralne stanice, 16 ručnih stanica, internet, direktni i lokalni telef. i broj 121, 2 repetitora, sirena za uzbunjivanje 5	1	1

3. EVIDENCIJA

Ustrojena je elektronska evidencija pripadnika civilne zaštite općina Tešanj u skladu sa Uputstvom o vođenju evidencije u civilnoj zaštiti (evidencioni kartoni i evidenciona knjiga).

4. MJERE ZA ORGANIZOVANJE, RAZVOJ I JAČANJE CIVILNE ZAŠTITE

Civilna zaštita je dio sistema zaštite i spašavanja, odnosno, sistema sigurnosti države i kao takva, ima međunarodnu sigurnosnu odrednicu. Civilna zaštita objektivno zahtjeva i takav status, prvenstveno iz razloga što područje zaštite i spašavanja zahtjeva stručan i detaljan pristup u fazi prevencije, odnosno detaljno planiranje i osiguravanje funkcije upravljanja za situacije kada su ugroženi ljudski životi i materijalna dobra, prirodnim djelovanjem ili živote, materijalna dobra i prirodnu okolinu, kada je ugrožavaju čovjek i njegova tehnološka dostignuća. Zbog toga općine moraju posebnu požnju posvećivati razvoju sistema zaštite i spašavanja za:

- preventivu i spriječavanje nastanka prirodnih i drugih nesreća,
- pripremanju općinske organe uprave, strukture civilne zaštite na nivou općine, svih drugih sudionika u zaštiti i spašavanju i stanovništva za reagiranje u prirodnim i drugim nesrećama,
- pružanje pomoći i organizaciju zaštite i spašavanja od prirodnih i drugih nesreća od značaja za općinu i traženje pomoći,
- saniranje posljedica prirodnih i drugih nesreća i
- pružanje pomoći drugim, izvan općine.

U cilju objektivnog praćenja efikasnosti i efektivnosti civilne zaštite, potrebno je:

1. Nastaviti popunu Službe civilne zaštite, sa akcentom na popuni Profesionalne vatrogasne jedinice u skladu sa Pravilnikom.
2. Sudjelovati u Projektu tehničko-tehnološkog i organizacionog rješenja sistema za komunikacijsku i informacijsku podršku Kantonalnog i Općinskog operativnog centra CZ.
3. Završiti popunu rukovodnih i operativnih snaga CZ, a tu se prije svega misli na popunu jedinice CZ opće namjene i završiti imenovanje povjerenika CZ;
4. Kontinuirano vršiti osposobljavanje Štaba civilne zaštite za obavljanje funkcije rukovođenje u uvjetima prirodnih i drugih nesreća,
5. Nastaviti sa opremanjem, službi, jedinica i povjerenika.
6. Redovno informisati javnost o obavezi provođenja preventivnih mjera, radnji i postupaka u okviru provođenja lične i uzajamne zaštite građana.
7. Uspostaviti još bolju saradnju sa Kantonalnom i Federalnom upravom civilne zaštite u svim segmentima, a posebno u sufinansiranju, stručnoj obuci i osposobljavanju.

OBRADIVAČ:
SLUŽBA CIVILNE ZAŠTITE

Mensur Saletović, profesor

PREDLAGAČ:
OPĆINSKI NAČELNIK

Mr.Sc. Suad Huskić, profesor

Broj: 02-44-5-467-5/14

Datum: 09.04.2014. godine